

**Harga minyak dijangka pulih pada Jun, kata Daim  
Astro Awani  
10 Februari 2015**

**KUALA LUMPUR,;** Permintaan yang semakin meningkat dari China, India dan Afrika dijangka menaikkan harga minyak mentah kepada antara US\$ 65-US\$70 setong tahun ini dengan pemulihan diunjur pada Jun.

Bekas Menteri Kewangan Tun Daim Zainuddin bagaimanapun berkata, harga minyak mentah tidak akan kembali kepada US\$100 setong sebagaimana sebelum ini, dan US\$65 hingga US\$70 sudah cukup baik bagi tahun ini.

Beliau berkata demikian kepada pemberita di luar acara Siri Persidangan Affin Hwang Capital 2015 di sini hari ini.

Menurut Daim, penurunan harga minyak tidak dijangka dalam jangka panjang dan Malaysia akan dapat mengatasi cabaran yang berkaitan dengan keadaan itu.

Beliau berkata cabaran sekarang ialah untuk membuat keputusan dasar strategik dalam menghadapi ketidakpastian dan tekanan.

Sementara itu, mengenai 1Malaysia Development Bhd (1MDB), beliau berkata kerajaan perlu menjelaskan beberapa kekeliruan mengenainya.

Kira-kira 350 peserta menghadiri persidangan sehari itu yang menampilkan penceramah dari kalangan pembuat dasar.

Copyright © Astro Awani Network Sdn. Bhd. 2015 (535275-D). All Rights Reserved.

Source: <http://www.astroawani.com/berita-bisnes/harga-minyak-dijangka-pulih-pada-jun-kata-daim-53683>